

Broj: 01-14-3227/17

Datum: 12.06.2017.godine

Na osnovu člana 69. stav (1) tačka b), člana 70. stav (1), (4) i (6) i člana 100. stav (3) Zakona o javnim nabavkama („Službeni glasnik BiH“, broj: 39/14), na preporuku Komisije za javne nabavke imenovane rješenjem broj: 01-34-135/17 od 16.01.2017. godine, u postupku javne nabavke za LOT 2 -servisiranje i opravka motornih vozila te nabavka potrošnog materijala i rezervnih dijelova za vozila marke AUDI, VW i FORD fusion, a rješavajući po žalbi ponuđača AUTODELTA d.o.o. Sarajevo, federalni ministar za pitanja boraca i invalida odbrambeno-oslobodilačkog rata / federalni ministar za pitanja branitelja i invalida domovinskog rata, d o n o s i

O D L U K U **o poništenju postupka javne nabavke**

Član 1.

Poništava se otvoreni postupak javne nabavke za LOT 2 – servisiranje i opravka motornih vozila, te nabavka potrošnog materijala i rezervnih dijelova za vozila marke AUDI, VW i FORD fusion – Obavještenje o nabavci broj: 746-1-1-10-3-6/17 i Ispravka obavještenja o nabavci broj: 746-1-1-10-8-7/17, koji su objavljeni na Portalu javnih nabavki dana 06.04.2017. godine i 17.04.2017. godine i u „Službenom glasniku BiH“ broj: 27/17 od 14.04.2017. godine i broj: 29/17 od 21.04.2017. godine.

Član 2.

Ova Odluka objavit će se na web-stranici Ministarstva www.fmbi.gov.ba, istovremeno sa upućivanjem Odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ovom Odlukom stavlja se u cjelosti van snage Odluka o izboru najpovoljnijeg ponuđača broj: 01-14-2989/17 od 01.06.2017.godine.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke za LOT 2 -servisiranja i opravka motornih vozila te nabavka potrošnog materijala i rezervnih dijelova za vozila marke AUDI, VW i FORD fusion, pokrenut je Odlukom o pokretanju postupka javne nabavke broj: 01-14-7174-3/16 od 30.12.2016. godine, redni broj nabavke u Planu javnih nabavki: 11.

Javna nabavka je provedena putem otvorenog postupka.
Procijenjena vrijednost javne nabavke za LOT 2 bez PDV-a je 42 735, 04 KM.

U ostavljenom roku za dostavu ponuda zaprimljene su 3 (tri) ponude i to: ponuda UNITRADE DOO LJUBUŠKI, Bana Jelačića bb, 88 320 Ljubuški, ponuda AUTODELTA D.O.O. SARAJEVO, Bolnička do br.11 i ponuda AC QUATRO D.O.O. SARAJEVO, Put života 1, 71 000 Sarajevo.

Komisija za javne nabavke je dana 15.05.2017.godine u 16,00 sati izvršila javno otvaranje ponuda o čemu je sačinila Zapisnik sa otvaranja ponuda, broj: 01-14-1754/17 od 15.05.2017. godine i isti proslijedila ponuđačima.

Komisija je na zatvorenoj sjednici održanoj dana 01.06.2017. godine izvršila vrednovanje i ocjenu prihvatljivih ponuda, te je u skladu sa kriterijem najniža cijena za LOT 2 - servisiranje i opravka motornih vozila, te nabavka potrošnog materijala i rezervnih dijelova za vozila marke AUDI, VW i FORD fusion donesena Odluka o izboru najpovoljnijeg ponuđača broj: 01-14-2989/17 od 01.06.2017. godine, kojom se ugovor dodjeljuje ponuđaču UNITRADE d.o.o Ljubuški.

U zakonskom roku, a nakon ostvarenog uvida u ponudu izabranog ponuđača od strane žalitelja ponuđača AUTODELTA d.o.o Sarajevo, uložena je žalba od strane ponuđača AUTODELTA d.o.o Sarajevo, te je u skladu sa Zakonom o javnim nabavkama Ugovorni organ utvrdio da je žalba djelimično osnovana.

Žalitelj-ponuđač u žalbi između ostalog navodi da ponuđač UNITRADE d.o.o. Ljubuški u svojoj ponudi nije dostavio aktuelni izvod iz sudskog registra, niti bilo kakvu izjavu/potvrdu nadležnog organa kojom dokazuje pravo ponuđača da obavlja profesionalnu djelatnost koja je predmet ove nabavke, a koji je tražen u tački 3.3. Tenderske dokumentacije kao dokaz za ispunjavanje uslova iz člana 46. Zakona o javnim nabavkama.

Radi ocjene osnovanosti žalbe Komisija je ponovnim uvidom u ponudu ponuđača UNITRADE d.o.o Ljubuški utvrdila da se u istoj ne nalazi aktuelni izvod iz sudskog registra, niti izjava/potvrda nadležnog organa kojom dokazuje pravo ponuđača da obavlja profesionalnu djelatnost koja je predmet ove nabavke, te ponuda ponuđača UNITRADE d.o.o. Ljubuški nije prihvatljiva iz razloga što nije u cjelosti pripremljena u skladu sa uslovima navedenim u tački 3.3. tenderske dokumentacije:

„U skladu sa članom 46. Zakona, ponuđač treba biti registriran u odgovarajućem profesionalnom ili drugom registru zemlje za obavljanje profesionalne djelatnosti, koja je u vezi s predmetom nabavke djelatnosti iz koje je predmet ove nabavke. Ponuđač, u svrhu dokaza o ispunjavanju uvjeta iz člana 46. Zakona, dužan je dostaviti:

- aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnosti koja je predmet ove nabavke. Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude (pod danom dostavljanja ponude smatra se datum, koji je ugovorni organ, odredio u TD kao rok za dostavljanje ponuda).

Ukoliko ponudu dostavlja grupa ponuđača, svi članovi grupe zajedno moraju biti registrirani za obavljanje djelatnosti koja je predmet nabavke ili za dio predmeta nabavke.“

Nadalje je utvrđeno da je prilikom izrade tenderske dokumentacije napravljen propust kod izrade tehničke specifikacije LOT-2 koji je doveo do bitno drugačije cijene ponude, te je shodno tome odlučeno da se postupak javne nabavke LOT 2 - servisiranje i opravka motornih vozila, te nabavka potrošnog materijala i rezervnih dijelova za vozila marke AUDI, VW I FORD fusion poništi.

Na osnovu naprijed navedenog odlučeno je kao u Odluci.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem ugovornog organa u roku od 5 (pet) dana od dana prijema ove Odluke.



MINISTAR
Doc.dr. Salko Bukvarević

Dostavljeno:

1. Ponuđačima (3x)
2. Komisiji za javne nabavke
3. a/a